



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

De legitima præscriptione quoad Missas Cap. 7

urn:nbn:de:hbz:466:1-41878

7. §. 5. num. 2. fine ad Sacerdotem
privatum non pertineat Ecclesiam
reconciliare, tamen, quia nunc
supponimus eum teneri ex stipen-
dio ad celebrandum, iustitia re-
quirat, ut impedimentum viola-
tionis, quod tollere ipse potest,
tollat, sicuti §. præcedenti num. 9.
de aliis similibus impedimentis di-
rectis resolutum est.

Hæc notasse sufficiat, nam ex
his ita decisus alii similes casus non
difficili negotio decidentur.

CAPUT VII.

De legitima præscriptione
quoad Missas.

§. I.

*Quandonam Sacerdos vel Ecclesia
contra onus Missarum
præscribat.*

1. **S**I concurrant conditiones re-
quisitæ à jure ad præscriben-
dum,

dum, præscribi etiam contra Missas potest Ratio est, quia universaliter potest legitime præscribi contra jus alterius etiam ignorantis, nec umquam exceptio facta est in jure, quod non currat Præscriptio contra onera Missarum: seu contra voluntatem Defunctorum; cum quibus tamen, quia reclamare ii non possunt, est agendum, ac si essent absentes, contra quos longius tempus requiritur ad Præscriptionem.

Hinc fit, ut Capellania, quæ in sui fundatione erat onerata Missis quotidianis, nunc possit tum minori onere invenire: atque adeo Capellanium, seu Ecclesiam non obligari, (si dictæ conditiones legitimæ Præscriptionis adsint) nisi ad hoc minus Missarum onus, quod nunc invenitur.

2. Conditiones autem sunt Possessio, Titulus, Bona fides, Continuatio Possessionis cum eadem Fide bona, & Tempus lege præscriptum:

prum: de quibus passim Doctores.
 a Cum autem illud tempus requi-
 ratur inter absentes, quam præsentes,
 & aliud quoad bona stabilia,
 quam mobilia, ideo ad hoc onus
 præscribendum, cum sit inter ab-
 sentes, ut modo innuimus, & qui-
 dem ut supponimus stabile, & per-
 petuum requiretur cum titulo vi-
 ginti annorum decursus, sine titu-
 lo triginta, b quæ omnia nobis satis
 sit innuisse.

3. Alicubi, vel non adest, vel
 non est recepta ejusmodi præscri-
 ptionis lex, ibi ergo tum in foro
 externo, tum interno, id fiat, quod
 in eodem foro servatur in ceteris.

Ccc 2

§. 2.

a Lege Molinam tract. 2. de just. &
 iured. 10. Covarr. Regula Possessor. 1.
 p. c. aliosque. b L. mala fidei C. de
 Præscript. longi temporis 10. vel 20.
 ann. Instit. de usucap. §. 1. c. De quartæ
 præscript. 1. & communiter.

§. II.

*Quandonam onus Missæ præscribat
contra Sacerdotem, vel
Ecclesiam.*

1. **I**N hac quæstione est distin-
guendum de Capellano titu-
lo Capellaniæ, vel beneficii Missas
celebrante, & de legatario, qui is
est, cui à Testatore absolutè (sine
Episcopi auctoritate) legatum ali-
quod quantumvis perpetuum pro
celebrandis Missis relinquitur.

2. Contra Capellanum, seu Ec-
clesiam, cui incumbit Capellania,
vel Beneficium, Missarum onus,
seu obligatio præscribitur a tempore
decem annorum positis ceteris re-
quisitis ad Præscriptionem § præ-
cedenti dictis. Quare si per decem
annos Missa quotidiana celebrata
est pro tali Capellania, licet nunc

inve-

a *Fraxin. de oblig. Sac. sec. 4. concl.*
§. 17. n. I.

inveniatur, quod Fundator solum instituerit hebdomadariam, quotidiana erit celebranda. Ratio esse potest, quia hoc perpetuum onus est veluti jus Testatoris defuncti circa Missas: jura autem, & actiones in hac materia Præscriptionis ex *a* Lessio, aliisque computantur inter bona immobilia, & quæ inter præsentia, ut est in casu nostro, quia Capellanus præsens est, decennio præscribunt.

3 Contra legatarium vero obligatio Missarum præscribit tempore triginta annorum. Ratio est, quia legata contra legatarium præscribunt spatio triginta annorum, *b* hoc autem legatum est, non Capellania, ut supponimus.

4. Dices, quid si legatum sit apud Monasterium Religiosum, quibus concessum est, ne contra ipsos currat præscriptio minor,

Ccc 3 quam

a Lessius l. 2. c. 6 n. 25. *fine.* *b* Lessius l. 2. c. 6 n. 39. ex L. ultima C. de munia de legatis.

quam sexaginta annorum? Respon-
deo aliquos *a* putare etiam contra
Religiosos sufficere spatium tri-
ginta annorum, quia dicta concessio
est tantum de bonis, personis, &
locis Religiosorum, at jura, & ac-
tiones incorporeæ, quale est id,
de quo disputamus, nec sunt bona,
nec personæ, nec loca.

5. Sed profectò ex Lessio modo
dixi nomine Bonorum Immobi-
lium venire etiam jura, & Actio-
nes, quare posset quis contendere
contra hos privilegiatos requiri in
casu nostro annos sexaginta, quia
jus missarum est bonum immobile.

6. Hactenus ita disputatum sit:
nam mihi unum dicendum super-
est, quo videtur probari, nunquam
tale jus Missarum posse præscri-
bere contra Sacerdotem. Decent
communiter Doctores *b* servitu-
tem

a Pellizzar. *Man. reg. 2. 5 tract. 5. c.*
9. nu. 93. *b* *L. finali C. de longi tem-*
poris præscriptione. Lessius l. cit. nu. 26.
alique passim.

tem personalem, quæ debetur personæ, à persona nullo tempore præscribi posse; & ratio est, quia æquitas non patitur hominem liberum fieri servum ex quacumque causa. Id de veluti integra servitute: sed certe eadem videtur ratio de servitute partiali: ita enim se habet totum ad totum, sicut pars ad partem, quare si per multos annos Petrus v. g. servivisset Paulo, per aliquod tempus in aliquo opere, illum v. g. associasset singulis festis diebus ad Ecclesiam, cum bona fide, seu errore utriusque quod ad id per contractum teneretur Petrus, posset dictus Petrus advertens nullum fuisse contractum eximere se à tali servitio, quia servitus personalis numquam præscribitur. Cum ergo Capellanus, Beneficiatus, vel legatarius prædicti Missas illas pro fundatore celebrare soliti sint, credentes se ad illas omnes teneri: si advertant se verè ex Fundatione ad tot non ob-

ligari, videntur quocumque tempore se posse eximere à tali servitute, & illas solum celebrare, ad quas vere ex titulo Capellaniæ Beneficii, vel legati obligantur; onus enim hoc non videtur esse aliud jus, nisi servitus quædam debita à Sacerdote ipsi Fundatori Missarum: sicuti illa associatio Petri circa personam Pauli, quæ servitus, ut dictum est, nunquam præscribitur.



CAPUT